

妙六六宮中春復秋

鎔鑄神劍

師傅鑄作青蛇法坤鼎乾爐煅煉成非鐵非金生殺氣無形無影自通靈掣來匣外乾坤窄收入胸中芥子生萬兩黃金無覓處隱然身畔斬妖精

後天築基

氣敗血衰宜補接明師親授口中訣華池玉液逐時吞桃塢瓊漿隨日吸絕慮忘思赤子心歸根復命仙人業丹田溫暖返童顏笑煞頑空頭似雪

後天煉已

道藏輯要

三丰全集 玄要篇上

七

續畢集八

煉已功夫誰得知精靈常與我相隨一塵不染心俱靜萬慮皆忘性若癡邪賊無由侵內境學人終日侍嚴師飢來解飲長生酒每日醺醺醉似泥

煉已得藥

煉已功夫繼築基心頭萬慮已忘之一輪月色相爲伴五夜雷聲獨自知雪向靜中飛白點芽從虛處長黃枝奪他陽氣歸來孕產箇千年跨鶴兒

煉已下手

體隔神交理甚詳分明下手兩相當安爐立鼎尋真種對境忘情認本鄉挈住龍頭收紫霧鑿開虎尾露金光真鉛一點吞歸

腹萬物生輝壽命長

### 先天鼎器

一從識破鴻濛竅認得乾坤造化爐不用神功調水火自然靈氣透肌膚朝朝黃鶴藏金鼎夜夜銀蟾灌玉壺要識金丹端的事未生身處下功夫

### 先天真鉛

舉世人多好入玄入不識這先天五千日內生黃道三十時辰認黑鉛不在乾坤分判後只於父母未生前此般至寶家家有自是愚人識見偏

### 先天大藥

道藏輯要 三丰全集 立要篇上 六 續畢集八  
信道金丹理最精先天一點少人明不拘貧富家家有無論賢愚種種生吞向腹中方有孕將來掌上卻無形世人問我難回答遙指天邊月出庚

### 擒捉先天

笑睹神州有妙玄耳邊切切細相傳鑿開混沌尋金汞劈破鴻濛掘水鉛黍米一珠含北海蟾光萬道照西川若人採得吞歸腹何慮凡夫不作仙

### 凝聚先天

識得金丹正好爲元微只向此中奇化門一粒真鉛動玄戶三家造化基凝結丹田生玉葉送還土釜長瓊芝世人欲達先天